

# ORIENTERINGSNOTAT

Til: Alver kommunestyre – møte 18. februar 2021

Frå: Rådmannen

Dato: 12.02.21

## Tema: Medlemskap Klimapartner Vestland

### 1. Bakgrunn

I kommunestyremøte 14.05.2020 hadde Alver kommunestyre ei sak om medlemskap i Klimapartner Vestland (Sak 039/20). Kommunestyret vedtok følgjande:

- Saka vert utsett til partnerskapsavtalen vert framlagt til politisk handsaming. Samt KO ber om sak til politisk drøfting om kven som deltek som samarbeidspartnarar i vidare arbeid.

I samråd med ordførar blir det lagt fram eit orienteringsnotat til kommunestyremøtet 18. februar 2021 som skal svare på vedtaket i sak 039/20.

### 2. Om Klimapartner:

Klimapartnerne ([www.klimapartnerne.no](http://www.klimapartnerne.no)) er eit offentleg-privat samarbeid som formidlar klimakunnskap, utviklar og fremjar grøne forretningsidear, skaper møteplassar for klimadebatt, og samhandlar regionalt, nasjonalt og internasjonalt. Medlemmar i Klimapartner jobbar for å redusere eigne klimagassutslepp og for å fremje grøn samfunns- og næringsutvikling. Klimapartner samlar private bedrifter, akademia, organisasjonar og sentrale offentlege aktørar i eit fellesskap for å nå definerte klimamål.

### 3. Innhald i partnerskapsavtale med Klimapartner Vestland

Klimapartner Vestland har ein standard partnerskapsavtale som gjeld for alle medlemmar. Avtalen er bygd opp på følgjande måte:

#### Mål:

Redusere klimagassutslepp og stimulere til grøn samfunns- og næringsutvikling i Vestland

#### Klimapartner er eit offentleg-privat samarbeid som:

- Formidlar klimakunnskap
- Utviklar og fremjar grøne forretningsidear
- Skapa møteplassar for klimadebatt
- Samhandlar regionalt, nasjonalt og internasjonalt.

#### Klimapartner Vestland vil arbeide aktivt for å støtte partnarar og overordna målsetting, ved å

- Skape ein arena for offentleg-privat nettverksbygging og vere ei plattform for utøving av samfunnsansvar.
- Bidra til grøn forretningsutvikling.
- Hjelpa til med produksjon og formidling av kunnskap om tema som er interessante for partnarane.
- Produsere årleg samla klimaregnskap i samarbeid med partnarane.

- Gje råd om miljøsertifisering og utarbeiding av klimafotavtrykk.

Som Klimapartner vil verksemda arbeide for å støtte Klimapartnerane sine overordna målsettingar, mellom anna gjennom følgjande aktivitetar:

- Utarbeide ein årleg oversikt over eigne utslepp av klimagassar, samt lage planar og gjere tiltak for å redusere desse.
- Jobbe med miljøstyring og/eller miljøsertifisering av eige verksemd.
- Delta på partnerarrangement med representant(ar) frå leiinga der dette er relevant.
- Ha fokus på tiltak i eige verksemd, samt utvikle varer og tenester som bidreg til reduksjon av klimagassutslepp.
- Betale årleg partnerskapsavgift på kr. 50 000.

#### **4. Klimarekneskap**

Medlemmar i Klimapartner Vestland må ha eit eige system for miljøstyring og utarbeide klimarekneskap. Målet med klimarekneskap er å gje kommunen eit klart bilde på eigne klimagassutslepp, og ut frå dette lettare kunne definera tiltak for å redusere kommunen sine CO<sub>2</sub>-utslepp. Ved hjelp av klimarekneskapsmodulen kan ein enklare identifisere, prioritere og spore energireducerande tiltak.

#### **Tre anbefalte steg i eiga miljøstyring:**

1. Måle eigne utslepp
2. Redusere klimautsleppa så mykje som mogleg ved eigne tiltak
3. Vurdere å nøytralisere gjenverande utslepp ved å kjøpe klimakvoter.

GHG-protokollen er det mest brukte verktøyet innan utrekning av klimagassutslepp, og utgjorde grunnlaget for ISO 14064-I-standarden (2006). Protokollen er eit resultat av eit samarbeid mellom næringsliv, styresmakter og miljøørsla. Rapportering er i tråd med protokollen medfører at klimarekneskapet delast inn i tre nivå (scopes), som består av direkte og indirekte utsleppskjelder:

#### **Scope 1:**

Obligatorisk rapportering om inkluderer alle utsleppskjelder knytt til driftsmidlar der kommunen har operasjonell kontroll. Dette inkluderer alle bruk av fossilt brensel for stasjonær bruk eller transportbehov.

#### **Scope 2:**

Obligatorisk rapportering av indirekte utslepp knytt til innkjøpt energi, elektrisitet og fjernvarme og kjøling. Her blir det totale energibehovet i arealet kommunen brukar inkludert.

#### **Scope 3:**

Frivillig rapportering av indirekte utslepp knytt til innkjøpte varer og tenester. Dette er utslepp som indirekte kan knytast til kommunens aktivitetar, men som skjer utanfor eigen kontroll (flyreiser, avfall, logistikk/transport av varer, forbruk av ulike råstoff osv).

## **5. Erfaring frå medlemskommune som grenser til Bergen, med om lag same innbyggjartal som Alver:**

Kommunen har vore medlem i ca. eitt år og uttalar følgjande om medlemskapet:

- Kommunen opplever å bli framheva av Klimapartner som ein innovativ flaggskipkommune.
- Medlemskap i Klimapartner blir vurdert som eit positivt fortrinn i klimasøknader.
- Kommunen har mottatt klimamidlar til ulike prosjekt, og samarbeider mellom anna om eit større klimaprojekt med Trondheim kommune.
- Kommunen har fått god innføring i klimarekneskap og oppfølging frå rådgjevar i Klimapartner.
- Klimapartner tilbyr seg å delta i møter i kommunen og med næringslivet.
- Det er særleg i starten det vil vere krevjande å få full oversikt over utslepp og skape forankring i alle avdelingar.
- Det krevjast ikkje å levera fullt klimarekneskap frå starten av.
- Klimarekneskapet vil liggje ute offentleg på nettsida til Klimapartner.

## **6. Medlemmar i Klimapartner og Klimapartner Vestland**

På nettsidene til Klimapartner finn ein oversikt over partnerar: <https://klimapartnere.no/partnere/>